

სარდაფის სართულში სარემონტო სამუშაოების ელექტრონული ტენდერით (SPA190001037)
სახელმწიფო შესყიდვის შესახებ
CPV კოდი 45400000

წინამდებარე ხელშეკრულება გაფორმდა ქ. თბილისში, 2019 წლის 4 აპრილს
და ძალაშია 2019 წლის 4 აპრილიდან 2019 წლის 31 ივლისის ჩათვლით

ერთის მხრივ, „საქართველოს პარლამენტის აპარატი“ (მის.: ქ. თბილისი, რუსთაველის გამზირი №8, სახელმწიფო ხაზინა, ანგ. №200122900, საიდენტიფიკაციო კოდი: 202058245) (შემდგომში - „შემსყიდველი“) წარმოდგენილი მისი უფროსის გივი მიქანაძის სახით, ხოლო მეორეს მხრივ, შპს „აკა“ (მის.: თბილისი, ძმები ფიფიების ქ.12 ბ15; ბანკი: სს „საქართველოს ბანკი“; ბანკის კოდი: BAGAGE22; ა/ა: GE68BG000000559385200 (GEL); ტელ.: 599211656; საიდენტიფიკაციო კოდი: 401943108) (შემდგომში - „მიმწოდებელი“), წარმოდგენილი მისი დირექტორის სერგო გოქსაძის სახით, ორივე ერთად წოდებული, როგორც „მხარეები“, სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად, მიმწოდებლის სატენდერო წინადადების საფუძველზე, 2019 წლის სახელმწიფო ბიუჯეტიდან საქართველოს პარლამენტისათვის გამოყოფილი ასიგნების ფარგლებში, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. ხელშეკრულების საგანია „საქართველოს პარლამენტის აპარატი“-ს მიერ სარდაფის სართულში სარემონტო სამუშაოების სახელმწიფო შესყიდვა ელექტრონული ტენდერის სატენდერო დოკუმენტაციის და ხელშეკრულებაზე თანდართული სახარჯთაღრიცხვო დოკუმენტაციის (დანართი №1 „სარემონტო სამუშაოები - ხარჯთაღრიცხვა“, რომელიც თან ახლავს ხელშეკრულებას და წარმოადგენს მის განუყოფელ ნაწილს) შესაბამისად (შემდგომში - შესყიდვის ობიექტი).

მუხლი 3. ხელშეკრულების ღირებულება

- 3.1. ხელშეკრულების ღირებულება შეადგენს 49,975.98 (ორმოცდაცხრა ათას ცხრაას სამოცდათხუთმეტი ლარი და 98 თეთრი) ლარს.
- 3.2. ხელშეკრულებით გათვალისწინებული შესყიდვის ობიექტის ერთეულის ფასი ასახულია დანართში №1 „სარემონტო სამუშაოები - ხარჯთაღრიცხვა“.
- 3.3. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს (ტრანსპორტირების ხარჯების ჩათვლით) და საქართველოს კანონმდებლობით გათვალისწინებულ ყველა სახის გადასახადს, ასევე საფასურისა და მოსაკრებლის ღირებულებას ასეთი ვალდებულების არსებობის შემთხვევაში.

4. შესყიდვის ობიექტის მიწოდების ვადა, ადგილი და ფორმა

- 4.1. სამუშაოების შესრულება უნდა განხორციელდეს ხელშეკრულების ძალაში შესვლიდან 45 (ორმოცდახუთი) კალენდარული დღის ვადაში. იმ შემთხვევაში თუ მიწოდების ბოლო დღე ემთხვევა არასამუშაო დღეს, მაშინ პრეტენდენტმა მოწოდება უნდა განახორციელოს მომდევნო სამუშაო დღეს.
- 4.2. მიმწოდებლის მიერ შესყიდვის ობიექტის მიწოდება უნდა განხორციელდეს შემდეგ მისამართზე: ქ. თბილისი, რუსთაველის გამზირი 8, პარლამენტის სასახლე, სარდაფის სართული.

5. მხარეთა ვალდებულებები


5.1. „მიმწოდებელი“ ვალდებულია:

- 5.1.1. სამუშაოები შეასრულოს წინამდებარე ხელშეკრულების და სამუშაოთა მოცულობითი უწყისის (სატენდერო დოკუმენტაციის დანართი №1-ის სარემონტო სამუშაოები - ხარჯთაღრიცხვა) შესაბამისად;
 - 5.1.2. სამუშაოების განხორციელებისას გამოიყენოს მხოლოდ უმაღლესი ხარისხის მასალები, მათი ფერი, ფორმა და ხარისხი, ასევე მოწყობილობები და დანადგარები მიმწოდებელმა წინასწარ უნდა შეუთანხმოს შემსყიდველს;
 - 5.1.3. უზრუნველყოს სარემონტო ადგილზე საჭიროების შემთხვევაში დამცავი გამაფრთხილებელი ნიშნების დაყენება. სარემონტო ადგილზე დაცული უნდა იყოს უსაფრთხოების წესები; სამუშაოების პროცესში შემსრულებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტვრის გავლენა.
 - 5.1.4. სამუშაოები შეასრულოს იმგვარად, რომ არ შეფერხდეს შემსყიდველი ორგანიზაციის ნორმალური ფუნქციონირება.
 - 5.1.5. განახორციელოს სამუშაოს შესრულება ტექნიკური დავალებით დადგენილი პირობებისა და წესების, ასევე მოქმედი სამშენებლო სტანდარტების დაცვით;
 - 5.1.6. სამუშაოების დაწყებამდე ტერიტორიაზე გადაამოწმოს ადგილზე არსებული მდგომარეობა და ნებისმიერი უზუსტობა აცნობოს შემსყიდველს;
 - 5.1.7. სამუშაოს მასშტაბის შესაბამისად, სამუშაოს შესრულება უზრუნველყოს შესაბამისი რაოდენობის, სანდო, სათანადო უნარ/ჩვევების მქონე პერსონალით;
 - 5.1.8. საკუთარი ხარჯებით უზრუნველყოს სამშენებლო და სამუშაო ფართის დასუფთავება, ნარჩენების, სამშენებლო ნაგვის მოგროვება და ტერიტორიიდან გატანა;
 - 5.1.9. უზრუნველყოს, რომ სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი იყოს მუშა მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება;
 - 5.1.10. უზრუნველყოს სამუშაოს შესრულების პროცესში ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირის მიერ გაცემული, როგორც ზეპირი, ასევე წერილობითი რეკომენდაციების და მითითებების შესრულება;
 - 5.1.11. აილოს სრული პასუხისმგებლობა ტექნიკური დავალებით გათვალისწინებული რომელიმე ვალდებულების დარღვევის შემთხვევაში, აღნიშნულის შედეგად წარმოშობილ ზიანზე. მიმწოდებელმა უნდა უზრუნველყოს, მომსახურების გაწევის პროცესში, მიმწოდებლის მიზეზით (მ/შ გაუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება საკუთარი ხარჯით;
 - 5.1.12. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
 - 5.1.13. სამუშაოების განხორციელების გეგმა-გრაფიკი სამუშაოების ჩატარების დაწყებამდე წინასწარ შეთანხმოს შემსყიდველს, საქართველოს პარლამენტის აპარატის მიერ განსაზღვრული პრიორიტეტების გათვალისწინებით.
 - 5.1.14. განახორციელოს ამ ხელშეკრულებით მასზე დაკისრებული სხვა ვალდებულებები.
- ### 5.2. „შემსყიდველი“ ვალდებულია:
- 5.2.1. ხელშეკრულებით დადგენილ ვადაში გადაიხადოს შესყიდვის ობიექტის ღირებულება;
 - 5.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

6. ინსპექტირების პირობები

6.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლსა და ზედამხედველობას, ხელშეკრულების მიმდინარეობის ნებისმიერ ეტაპზე (ასევე, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებ(ებ)ის არსებობის შემთხვევაში), განახორციელებენ შემსყიდველის მიერ გამოყოფილი კონტროლის განმახორციელებელი პირები, კერძოდ: საქართველოს პარლამენტის აპარატის სამშენებლო-სარემონტო სამუშაოებისა და საინჟინრო უზრუნველყოფის განყოფილების უფროსი ვლადიმერ ხუციშვილი და საქართველოს პარლამენტის აპარატის სამეურნეო უზრუნველყოფის დეპარტამენტის შესყიდვებისა და მომარაგების განყოფილების უფროსი სპეციალისტი კონსტანტინე ბუზალაძე (ერთობლივად ან ცალ-ცალკე).

კონტროლის განმახორციელებელი პირების ხელმოწერები:



6.2. ხელშეკრულების მიმდინარეობის კონტროლის მიზანს წარმოადგენს:

- 6.2.1. შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენა;
- 6.2.2. შესაბამისი შემოწმების აქტის საფუძველზე შესყიდვის ობიექტის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა;
- 6.2.3. ხელშეკრულების პირობების შესაბამისად, მიმწოდებლის მიერ წარმოდგენილი დოკუმენტების საფუძველზე, ხელშეკრულებით ნაკისრ ვალდებულებებზე ზედამხედველობის განხორციელება.
- 6.3. კონტროლის განხორციელების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

7. შესყიდვის ობიექტის მიღება-ჩაბარების წესი

- 7.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.
- 7.2. მიღება-ჩაბარების აქტი მხარეთა შორის გაფორმდება ფაქტობრივად მიწოდებული შესყიდვის ობიექტის შესაბამისად.
- 7.3. „შესყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება ხელშეკრულების 6.1 პუნქტში მითითებული პირ(ებ)ს (ერთობლივად ან ცალ-ცალკე).

8. ანგარიშსწორება

- 8.1. ანგარიშსწორება განხორციელდება ფაქტობრივად მიწოდებული შესყიდვის ობიექტის მიხედვით, შესაბამისი საანგარიშსწორებო დოკუმენტაციის (კერძოდ, მიმწოდებლის მიერ წარმოდგენილი საგადასახადო ანგარიშ-ფაქტურა (კანონმდებლობით განსაზღვრულ შემთხვევაში) და სასაქონლო ზედნადები (კანონმდებლობით განსაზღვრულ შემთხვევაში) და მხარეთა შორის გაფორმებული მიღება-ჩაბარების აქტი) წარმოდგენის შემდეგ, უნაღდო ანგარიშსწორებით, ეროვნულ ვალუტაში - ლარში, მიმწოდებლის მიერ წინამდებარე ხელშეკრულებაში მითითებული საბანკო რეკვიზიტების მიხედვით.
- 8.2. ანგარიშსწორება განხორციელდება შესაბამისი საანგარიშსწორებო დოკუმენტაციის სრულად წარმოდგენიდან/გაფორმებიდან არა უგვიანეს 10 (ათი) სამუშაო დღის განმავლობაში. თუ მიმწოდებელს ხელშეკრულების პირობების შეუსრულებლობისათვის დაკისრებული აქვს პირგასამტეხლოს თანხა ან ფიქსირდება ურთიერთ შეუსაბამობა საანგარიშსწორებო დოკუმენტაციაში ან ხელშეკრულებით გათვალისწინებულ პირობებთან - ანგარიშსწორება ხორციელდება ამ პუნქტით გათვალისწინებულ ვადებში მას შემდეგ, რაც წარმოდგენილი იქნება პირგასამტეხლოს სრულად გადახდის დამადასტურებელი დოკუმენტაცია საანგარიშსწორებო დოკუმენტაციასთან ერთად ან წარმოდგენილი იქნება კორექტირებული საანგარიშსწორებო დოკუმენტაცია.
- 8.3. ანგარიშსწორება განხორციელდება ხაზინაში რეგისტრირებული ვალდებულების ფარგლებში.

9. პირგასამტეხლო ხელშეკრულების პირობების შეუსრულებლობისათვის

- 9.1. მიმწოდებლის მიერ ხელშეკრულების 4.1. და 11.2 პუნქტებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ გადაგადაცილებულ სრულ/არასრულ დღეზე ხელშეკრულების მთლიანი ღირებულების 0.2%-ის ოდენობით. იმ შემთხვევაში თუ მიმწოდებლის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%, მაშინ შესყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს გასვლის მომენტისთვის გადასახდელი პირგასამტეხლოს ანაზღაურება.
- 9.2. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. და 9.3. პუნქტებით გათვალისწინებული შემთხვევებისა, მიმწოდებელს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.5%-ის ოდენობით. იმ შემთხვევაში, თუ მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%, მაშინ შესყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.
- 9.3. მიმწოდებლის მიერ ხელშეკრულების ნაწილობრივი შესრულების შემთხვევაში, ხელშეკრულების დამრღვევ მხარეს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 9.4. მიმწოდებლის მიერ ხელშეკრულების პირობების შეუსრულებლობის შემთხვევაში ხელშეკრულების დამრღვევ მხარეს დაეკისრება პირგასამტეხლო ხელშეკრულების ღირებულების 20%-ის ოდენობით.

9.5. მიმწოდებლის მიერ საანგარიშსწორებო დოკუმენტაციის სრულად წარმოდგენის შემდგომ, შემსყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში შემსყიდველს დაეკისრება პირგასამტეხლო გადასახდელი თანხის 0.02% ოდენობით ყოველ ვადაგადაცილებულ დღეზე, გარდა იმ შემთხვევისა, როდესაც ვადის დარღვევა გამოწვეულია სახელმწიფო ხაზინის ან მიმწოდებლის ბანკის ბრალეულობით.

9.6. მიმწოდებლის მიერ პირგასამტეხლო გადახდილი უნდა იქნეს შეტყობინების მიღებიდან არაუგვიანეს მე-2 სამუშაო დღისა. პირგასამტეხლოს (დავალიანების) არასრულად გადახდის შემთხვევაში მიმწოდებელს საგადახდო დავალების თარიღის დღიდან კვლავ ეკისრება ამ მუხლით გათვალისწინებული თითოეული სანქციის მიხედვით გათვალისწინებული პირგასამტეხლოს გადახდის ვალდებულება დავალიანების სრულად დაფარვამდე, რომლის ოდენობასაც მიმწოდებელი თავად ანგარიშობს გადახდის დღის ჩათვლით.

9.7. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.8. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა, ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს ხელშეკრულების თავდაპირველი ღირებულების 10%-ის ფარგლებში, სხვა რისკებს იღებს მიმწოდებელი.

10.4. მიმწოდებლის მიერ ხელშეკრულების პირობების შეუსრულებლობისას, აგრეთვე იმ შემთხვევაშიც თუკი შესყიდვის ობიექტის მიწოდების ვადის დადგომამდე გონივრულ ვადაში შემსყიდველისათვის ცნობილი გახდება მიმწოდებლის მიერ ხელშეკრულებით ნაკისრი ვალდებულების შესრულების შეუძლებლობის შესახებ, მაშინ შემსყიდველი ორგანიზაცია უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მიმწოდებელს გონივრულ ვადაში, მაგრამ არაუგვიანეს 2 (ორი) კალენდარულ დღეში, წერილობით ან კომუნიკაციის ელექტრონული საშუალებების გამოყენებით. ამასთანავე, მიმწოდებელს ეკისრება 9.4 პუნქტით გათვალისწინებული პირგასამტეხლოს გადახდის ვალდებულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

11. გარანტია

11.1. მიმწოდებლის მიერ შესრულებულ ყველა სხვა სახის სარემონტო სამუშაოსა და გამოყენებულ მასალებზე საგარანტიო ვადა შეადგენს მიღება-ჩაბარების გაფორმების დღიდან 2 (ორი) წელი.

11.2. საგარანტიო პერიოდის განმავლობაში, ექსპლუატაციის პირობების დაცვის პირობებში, დეფექტის ან ხარვეზის აღმოჩენის შემთხვევაში მიმწოდებელი ვალდებულია გამოვლენილი დეფექტი გამოსწოროს შემსყიდველთან შეთანხმებულ გონივრულ ვადაში, მაგრამ არაუგვიანეს 10 (ათი) სამუშაო დღისა, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.

11.3. მიმწოდებლის მიერ აღნიშნული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება

12. დავები და მათი გადაწყვეტის წესი

12.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

12.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

მუხლი 13. ფორს-მაჟორი

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

13.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

მუხლი 14. სხვა პირობები

14.1. შემსყიდველის მხრიდან წინამდებარე ხელშეკრულებაზე ხელმოწერი პირი და ასევე კონტროლის განმახორციელებელი პირ(ებ)ი ადასტურებენ, რომ მიმწოდებლის მიმართ სრულად აკმაყოფილებენ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

14.2. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი გადაეცემა შემსყიდველს, ხოლო მეორე მიმწოდებელს.

14.3. წინამდებარე ხელშეკრულება ძალაშია და მოქმედებს საგარანტიო მომსახურების ნაწილში ხელშეკრულების მე-11 მუხლით განსაზღვრული ვადების შესაბამისად, ხოლო დანარჩენ ნაწილში - ხელშეკრულების თავში მითითებული ვადების მიხედვით.

„შემსყიდველი“

საქართველოს პარლამენტის
აპარატის უფროსი



გიორგი მიქაშაძე

„მიმწოდებელი“

შპს „აკა“-ს დირექტორი



სერგო გოქიაშვილი

დანართი 1 - "სარემონტო სამუშაოები - ხარჯთაღრიცხვა"					
საქართველოს პარლამენტის აპარატის სარდაფის სართულში ჩასატარებელი სარემონტო სამუშაოები					
N	სამუშაოების დასახელება	განზ. ერთ.	რაოდ.	ერთ. ფასი	ჯამი
1	2	3	4	5	6
1	კარის ღიობების გაჭრა, სისქით 20სმ.	კვ.მ.	4	23.00	92.00
2	არსებული სანათებისა და ელ. გაყვანილობის დემონტაჟი	წერტ.	30	3.51	105.30
3	არსებული ფანჯრების დემონტაჟი	კვ.მ.	2	6.87	13.74
4	არსებული კარების დემონტაჟი	კვ.მ.	12	4.05	48.60
5	არსებული ცივი და ცხელი წყალმომარაგების 40მმ., 32მმ., 20მმ., 15მმ. მილების დემონტაჟი.	გრძ.მ.	170	2.40	408.00
6	არსებული ხის ტიხრების დემონტაჟი	კვ.მ.	20	1.02	20.40
7	დემონტირებული ფიცრებით კედლის შეფუთვა. (დამკვეთის მითითებით)	კვ.მ.	20	1.66	33.20
8	კედლიდან და ჭერიდან დაზიანებული ნაღესების მოხსნა	კვ.მ.	20	0.61	12.20
9	შეკიდული ჭერის დემონტაჟი	კვ.მ.	30	1.97	59.10
10	არსებული გამწვანის არხის და რკინის კარკასის დემონტაჟი	კვ.მ.	105	5.09	534.45
11	დერეფანში საკანალიზაციო და სანიაღვრე არხის გადახურვის ბეტონის ფილების დემონტაჟი. ზომით (1.60x0.40x0.08) მ.	კვ.მ.	70	8.03	562.10
12	დერეფანში საკანალიზაციო და სანიაღვრე არხის გაწმენდა. ზომით (42x1.2) მ.	კვ.მ.	50	5.00	250.00
13	იატაკზე ბეტონის წყლის ავზის დემონტაჟი	კვ.მ.	3	73.32	219.96
14	ბეტონის კედლის დემონტაჟი სისქით 20სმ.	კვ.მ.	5	35.35	176.75
15	პლასტმასის შეკიდული ჭერის მოწყობა	კვ.მ.	25	19.66	491.50
16	ბეტონის კედლის დამუშავება ქვიშა ცემენტის ხსნარით	კვ.მ.	25	8.41	210.25
17	შერჩეულ ადგილებზე იატაკის აღდგენა არსებულის ანალოგიური ქვით	კვ.მ.	15	48.64	729.60
18	კედლის და ჭერის გაწმენდა, დამუშავება ფითხით, ორი პირი წყალემულსიის საღებავით შეღებვა	კვ.მ.	1220	6.60	8052.00
19	დემონტირებული კარის ღიობის შევსება სამშენებლო ბლოკით სისქით 20 სმ.	კვ.მ.	7	20.57	143.99
20	ტიხრის შევსება სამშენებლო ბლოკით სისქით 20 სმ.	კვ.მ.	40	20.57	822.80
21	კარების შიდა ფერდობის ცემენტის ხსნარით ლესვა	გრძ.მ.	80	2.35	188.00
22	ახალი MDF-ის კარი ჩარჩოთი, საკეტით, საპირებით, (მიმდებარედ არსებულის ანალოგი) ზომით (0,95x2,2) მ. მოწოდება-მოწყობა. 10 ცალი	კვ.მ.	19	182.20	3461.80
23	ახალი რკინის კარის მოწოდება-მონტაჟი, ზომა კარი (2.20x0.95) მ. ჩარჩოთი, ლითონის ფურცლით ორივე მხარეს, საკეტით, ორჯერ შეღებილი ზეთოვანი საღებავით.	ც.	1	526.99	526.99
24	ახალი რკინის ორფრთიანი კარის მოწოდება-მონტაჟი, ზომა (2.50x1.50) მ. ჩარჩოთი ლითონის ფურცლით ორივე მხარეს, საკეტით, ორჯერ შეღებილი ზეთოვანი საღებავით.	ც.	2	945.56	1891.12
25	შერჩეულ ადგილებში დაზიანებული კაფელის აღდგენა. არსებულის ანალოგიური კაფელით	კვ.მ.	10	37.00	370.00
26	სარდაფის კორიდორში საკანალიზაციო და სანიაღვრე არხის დაზიანებულ ადგილებში ქვიშა-ცემენტის ხსნარით დამუშავება	კვ.მ.	15	8.41	126.15
27	სარდაფის კორიდორში საკანალიზაციო და სანიაღვრე არხის დახურვა ასაწყობი არმირებული M-300 მარკის ბეტონის ფილებით, ზომით (1.60x0.40x0.08) მ. (არსებულის ანალოგი).	ც.	105	41.65	4373.25
28	სარდაფის იატაკზე მითითებულ ადგილებში 5 სმ. სისქის მოჭიმვის მოწყობა ქვიშა-ცემენტის ხსნარით. (მასალების მოწოდებით)	კვ.მ.	30	6.37	191.10
29	სტანდარტული სტელაჟის მოწოდება-მოწყობა ზომებით 45X300X250 სმ.	ც.	20	400.00	8000.00

ელექტროსამონტაჟო სამუშაოები

1	სადენი ორმაგი იზოლაციით (კვეთით 2x10 მმ²+4 მმ²) მოწოდება-მოწყობა.	გრძ.მ.	50	13.74	687.00
2	სადენი ორმაგი იზოლაციით (კვეთით 3x4 მმ²) მოწოდება-მოწყობა	გრძ.მ.	25	4.36	109.00
3	სადენი ორმაგი იზოლაციით (კვეთით 2x2.5 მმ²) მოწოდება-მოწყობა	გრძ.მ.	400	2.34	936.00
4	სადენი ორმაგი იზოლაციით (კვეთით 2x1.5 მმ²) მოწოდება-მოწყობა	გრძ.მ.	400	1.51	604.00
5	ელ.ავტომატების კოლოფი (12 ელ.ავტ.) მოწოდება-მოწყობა	ც.	1	88.28	88.28
6	ელ.ავტომატი 2-პოლუსიანი 63 ამპ. მოწოდება-მოწყობა	ც.	1	50.74	50.74
7	ელ.ავტომატი 1-პოლუსიანი 32 ამპ. მოწოდება-მოწყობა	ც.	6	26.23	157.38
8	ერთ ღილაკიანი ჩამრთველის მოწოდება-მოწყობა	ც.	8	7.90	63.20
9	ორ ღილაკიანი ჩამრთველის მოწოდება-მოწყობა	ც.	6	9.92	59.52
10	გამანაწილებელი კოლოფის მოწოდება-მონტაჟი	ც.	30	2.32	69.60
11	შტეტესელის მოწოდება-მოწყობა	ც.	24	9.89	237.36
12	ჭერის სანათები მოწოდება-მოწყობა. ლედ ნათებით, ორნათურიანი არანაკლებ 120 სმ. მოწოდება-მოწყობა.	ც.	54	45.00	2430.00
სანტექნიკა					
1	ახალი 40 მმ. დიამეტრის ცხელი წყლის წყალმომარაგების სისტემისათვის პლასტმასის მილების მოწოდება-მოწყობა. (მაკომპლექტებული დეტალებით)	გრძ.მ.	30	11.02	330.60
2	ახალი 20 მმ. დიამეტრის ცხელი და ცივი წყლის წყალმომარაგების სისტემისათვის პლასტმასის მილების მოწოდება-მოწყობა. (მაკომპლექტებული დეტალებით)	გრძ.მ.	40	7.73	309.20
3	ახალი ტრაპის მოწოდება-მოწყობა	ც.	8	17.35	138.80
4	ხელსაბანი წყლის შემრევის (კედლიდან მოწოდების კონსტრუქციის) მოწოდება-მოწყობა	ც.	1	53.70	53.70
5	კერამიკული ხელსაბანი ნიჟარის სიფონით მოწოდება-მოწყობა	კომპლ.	1	205.61	205.61
6	წყალგამაცხელებელი ავზის (ვერტიკალური, 50ლ) მოწოდება-მოწყობა.	ც.	1	372.07	372.07
7	საყოფაცხოვრებო გამწოვი ვენტილატორის მოწოდება-მოწყობა.	ც.	1	64.15	64.15
8	შენობის დასუფთავება (კარების, კაფელის, იატაკის, საღებავის, ქვიშა-ცემენტის ხსნარის შხეფებისაგან) და სამშენებლო ნაგავის გატანა ნაგავსაყრელზე(სავარაუდო მოცულობა)	ტ.	30	15.23	456.90
				ჯამი:	39537.46
ზედნადები ხარჯები (არაუმეტეს 10%)				4%	1581.50
				ჯამი:	41118.96
მოგება (არაუმეტეს 8%)				3%	1233.57
				ჯამი:	42352.53
დღგ				18%	7623.45
				სულ:	49975.98

„შემსყიდველი“

საქართველოს პარლამენტის
აპარატის უფროსი

„მიმწოდებელი“

შპს „აკა“-სადირექტორი



[Handwritten signature]

გივი მიქანაძე

[Handwritten signature]

სერგო გოქსაძე